

ԱՉԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ԸՈՒՋԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ
P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, Է. Տարի, Թիւ 304, Ուրբաթ, 09 Հոկտեմբեր, 2015

ՀԱՄԱՅՆՔԱՅԻՆ

ԿԱՏԱՐՈՒԵՑԱԻ ՀՀ ՊԱՏԳԱՄԱԻՈՐ ԳԱԳԻԿ ԾԱՌՈՒԿԵԱՆԻ ՆՈՒԻՐԱԾ ԽԱՉՔԱՐԻՆ ԲԱՑՈՒՄԸ

Ուրբաթ, 2 Հոկտեմբերի առաւօտուն, Քուէյթի Ազգային Առաջնորդարանի շրջափակին մէջ տեղի ունեցաւ Հայոց Ցեղասպանութեան 100 Ամեակին նուիրուած խաչքարի բացման արարողութիւնը: Խաչքարի նուիրատուն է ՀՀ պատգամաւոր եւ մեծ բարերար՝ Տիար Գագիկ Ծառուկեան: Խաչքարի բացման արարողութեան համար Հայաստանէն ժամանած էին Ծառուկեանի մայրը ազնուափայլ՝ Տիկին Ռոզա Ծառուկեան ընկերակցութեամբ իր դստեր՝ Տիկին Նոնա Ծառուկեանի:



Առաւօտեան Ս. եւ անման պատարագը մատուցեց եկեղեցոյ հոգեւոր հովիւ Արժ. Տ. Արտակ Քինյ. Քէհեաեան: Դպրաց դասը ղեկավարեց դպրապետ՝ Քեոի Սարգիսեան: Պատարագին ներկայ գտնուեցան ՀՀ արտակարգ եւ լիազօր Դեսպան՝ Տիար Ֆատէյ Չարչօղլեան, Թեմի երեսփոխանական ժողովի եւ ազգային վարչութեան անդամները, գաղութիս մէջ գործող բոլոր միութեանական մարմինները եւ մեծ թիւով հաւատացեալներ: Պատարագի աւարտին Հայաստանի Հանրապետութեան վերանկախացման 24-րդ տարեդարձին առթիւ տեղի ունեցաւ դրօշակի արարողութիւն, ապա հոգեհանգիստ ազգի նահատակ հերոսներուն համար:

Աւարտին Թեմիս Առաջնորդ՝ Գերպ. Տ. Մասիս Ծ. Վրդ. Զօպունեան փոխանցեց օրուայ պատգամը: Ան նախ ՀՀ վերանկախութեան առթիւ Հայրենիքի բարգաւաճման ու առաւել հզօրացման իր մաղթանքները կատարեց, նշելով՝ որ հակառակ բոլոր դժուարութիւններուն երբէք չընկճուեցաւ հայու ազատատենչ ոգին, եւ շնորհիւ հայ ժողովուրդի աննկուն կամքին ան շարունակեց տոկալ հայրենիքի ու պետութեան իր պայքարին մէջ: Ապա Հայր Սուրբը բարի գալուստ մաղթեց Տիկ. Ռոզա Ծառուկեանին եւ

յիշեց Գազիկ Ծառուկեանի 2014 Ապրիլին Քուէյթ կատարած խանդավառ այցելութիւնը, Ազգային Առաջնորդարան եւ Ազգային Վարժարան:

Հայոց Ցեղասպանութեան 100 Ամեակին առթիւ զետեղուած խաչքարը խորհրդանիշ պիտի դառնայ Հայաստան-Սփիւռք անխզելի կապին եւ հայ ժողովուրդի միասնականութեան, շէշտեց Հայր Սուրբը, վեր առնելով Ծառուկեան գերդաստանի հայրենանուէր ու եկեղեցանուէր բարեգործական աշխատանքները:

Պատարագի աւարտին Առաջնորդարանի շրջափակէն ներս նախ բարձրացուեցաւ հայոց երագոյն դրօշը եւ ապա տեղի ունեցաւ խաչքարի բացման արարողութիւնը մինչ Հայաստանի քայլերգով հանդէս եկաւ Հ.Մ.Ը.Մ.ի շեփորախումբը՝ երեց սկաուտներու ներկայութեամբ: Բացման արարողութենէն



ետք Տիկ. Ռոզա Ծառուկեան արտասանեց իր սրտի խօսքը: Ան ըսաւ «Այսօր մենք բոլորս այստեղ հաւաքուել ենք հրաշալի մի առիթով՝ արաբական աշխարհում եւ արաբական հողի վրա վեր է խոյանում մեր ազգային ինքնութիւնն ու դիմագիծը յաւերժացնող սրբակերտ այս խաչքարը»: Ապա Հայր Սուրբն ու թեմական ժողովի ատենապետ՝ տիար Յարութիւն Պետիրեան եւ ազգային վարչութեան ատենապետ՝ Տիար Մունիր Դարբինեան յուշանուէր մը փոխանցեցին Տիկին Ծառուկեանին, որուն



անձնական փափաքով ու նուիրատութեամբ Պատարագի աւարտին կատարուեցաւ մատաղի օրհնութիւն պատրաստուած եկեղեցասէր տիկնանց յանձնախումբին կողմէ:

Անցնող օրերուն Հայաստանէն ժամանած պատուոյ հիւրերը այցելեցին ՀՀ. Դեսպանութիւն, մասնակցեցան ՀՀ վերանկախացման 24-րդ տարեդարձի նշման

ընդունելութեան, հանդիպեցան Թեմական ժողովի անդամներուն, ազգային վարչութեան եւ ազգային վարժարանի հոգաբարձութեան հետ: Նախաճաշի հիւրերը եղան զանազան մարմինները ներկայացնող հայ տիկիներու: Անոնք Կիրակի 4 Հոկտեմբերին այցելեցին Ազգային Վարժարան:

WWW.AZTARAR.COM

Քուէթի Ազգային Վարժարանի Պաշտօնական Բացում



Տարիներէ եկած գեղեցիկ արանոյթ է Քուէթի Ազգային Վարժարանէն ներս տարեշրջանի բացումը կատարել պաշտօնական հանդիսութեամբ մը: Սոյն տարեշրջանի բացումը նոյնպէս եղաւ յատկանշական:

Կիրակի, 4 Հոկտեմբեր, 2015-ին, Քուէթի Ազգային Վարժարանի շրջափակէն ներս, տօնական ջերմ մթնոլորտի մը մէջ տեղի ունեցաւ 2015-2016 տարեշրջանի բացման պաշտօնական արարողութիւնը,

ներկայութեամբ՝ Քուէթի եւ Շրջակայից Հայոց Թեմի Առաջնորդ Գերայ. Տէր Մասիս Ծ. Վրդ. Զօպույեանի, Քուէթի մօտ ՀՀ դեսպան Տիար Ֆատէյ Զարչօղլեանի, Ազգային Վարժարանի Հոգաբարձութեան եւ Տնօրէնութեան, ազգային մարմիններու ներկայացուցիչներու, ուսուցիչներու եւ աշակերտութեան: Բացման արարողութեան կը մասնակցէր նաեւ Սրբոց Վարդանանց Եկեղեցոյ խաչքարի բացման համար գաղութս հիւրաբար ժամանած ՀՀ Ազգային Ժողովի Պատգամաւոր եւ բարերար Գագիկ Ծառուկեանի Մայրը՝ Տիկ. Ռոզա Ծառուկեան եւ քոյրը՝ Տիկ. Նոնա Ծառուկեան:

Վարժարանի շրջափակէն ներս համախմբուած աշակերտութիւնը բարձր ծափողջոյններով, աղ ու հացով դիմաւորեց իր հիւրերը:

Հանդիսաւոր բացումը տեղի ունեցաւ ՀՀ քայլերգով, որ հնչեց վարժարանի աշակերտութեան քաղցր շրթունքներէն: Այնուհետեւ վարժարանի հայրենաւանդ ուսուցիչներէն Պրն. Ճորձ Արապաթեան բարի գալուստ մաղթեց ներկաներուն եւ կարեւորեց Քուէթի Ազգային Վարժարանին դերը՝ Արաբական անապատներուն մէջ հայ պատանիներուն ազգային կրթութիւն ջամբելու գործին մէջ՝ ի փառս հայ ազգին, հայ եկեղեցոյ եւ Հայաստանի Հանրապետութեան:



Յաջորդիւ վարժարանի աշակերտներուն կողմէ ներկայացուեցաւ գեղեցիկ ու կոկիկ գեղարուեստական յայտագիր մը, որուն բացումը կատարեցին երկրորդ կարգի աշակերտները, յաջորդաբար ներկայացնելով «Գիրք» եւ «Մեսրոպ Մաշտոց» բանաստեղծութիւնները եւ «Հայոց Այբուբեն» երգը: Շարունակելով հայրենաշունչ ելոյթները, չորրորդ կարգի աշակերտները բարձր տրամադրութեամբ ու ոգեւորութեամբ երգեցին «Ողջոյն Ուսուցիչին» եւ «Անուշ Հայրենիք» երգերը: Խաչիկ Դաշտենցի «Հայերէն» երգով հինգերորդ դասարանի աշակերտները եղբայրական կոչ ուղղեցին բոլորին թէ՛ «Մենք հայ ենք, ե՛կ խօսինք հայերէն»: Գեղարուեստական յայտագիրը արարեցաւ Վահան Թեքեանի «Հայ Լեզու» բանաստեղծութեամբ, զոր արտասանեց ութերորդ կարգի աշակերտներէն՝ Յարութ Գայթանճեան:



Ազգային Վարժարանի տնօրեն Պրն. Մանուկ Մանուկեան խօսք անելով, ուրախությամբ յայտնեց, որ Քուէթի Ազգային Վարժարանը հաւատարիմ մնալով իր առաքելութեան, 56-րդ անգամ ըլլալով կը բանայ իր դռները: Անդրադառնալով վարժարանի դերին ու կարեւորութեան, Պրն. Մանուկ ըսաւ. «Ազգային արժէքներու պահպանութեան կողքին, Քուէթի Ազգային Վարժարանը ունի նաեւ հայուն տեսակը պահպանելու առաքելութիւն»: Օգտուելով ՀՀ

Ազգային Ժողովի Պատգամաւոր եւ բարերար Գագիկ Ծառուկեանի մօր եւ քրոջ ներկայութենէն, Պրն. Մանուկ անգամ մը եւս շնորհակալութիւն յայտնեց Ծառուկեան ընտանիքին՝ սոյն տարուայ Ապրիլ ամսուն հայրենիքէն ներս վարժարանի առաջնակարգ աշակերտներն ու անոնց ուղեկցող մանկավարժները դիմաւորելու եւ հիւրընկալելու համար:

Իր հերթին Տիկ. Ռոզա Ծառուկեան՝ չկարողանալով զսպել արցունքները, հիացմունքի խօսքեր արտասանեց, շեշտելով, որ Ծառուկեան ընտանիքը միշտ ալ պատրաստ է հայրենիքէն ներս հիւրընկալել Քուէթի առաջնակարգ աշակերտները, ինչպէս նաեւ աջակցիլ սփիւռքի մէջ ազգային արժէքներու պահպանութեան նախաձեռնութիւններուն: Հարկ է նշել, որ Տիկ. Ծառուկեան Ազգային Վարժարանի աշակերտութեան եւ գրադարանին նուիրեց հայալեզու մեծ թիւով արժէքաւոր գիրքեր, որուն համար արժանացաւ վարժարանի տնօրէնութեան բարձր գնահատանքին: Իր հերթին Ազգային Վարժարանի Հոգաբարձութեան ատենապետ Պրն. Զաւէն Թոքմազճեան Տիկ. Ծառուկեանին նուիրեց Ք.Ա.Վարժարանի յիսնամեակի յօրէլեանին առթիւ լոյս տեսած «Ոսկեմատեան»ը:



Աւարտին հայրական խօսքն ու օրհնութիւնը փոխանցեց Թեմիս բարեջան Առաջնորդ Գերպ. Տէր Մասիս Ծ. Վրդ Զօպույեան: Վեր առնելով Ծառուկեան ընտանիքի ազգանուէր գործունէութիւնը, Ան յիշեցուց ներկաներուն, որ օրեր առաջ Պրն. Ծառուկեանի բարերարութեամբ եւ իր մօր՝ Տիկ. Ռոզա Ծառուկեանի ձեռամբ, Սրբոց Վարդանանց Եկեղեցւոյ մէջ բացումը կատարուեցաւ Հայոց Ցեղասպանութեան 100-րդ տարելիցին նուիրուած յիշատակի խաչքարը, որ Գերպ. Հայր Սուրբի բնորոշմամբ՝ «Պիտի ըլլայ հայրենիքին հետ կապող կամուրջ մը»: Ան,

օրհնելով Վարժարանի աշակերտութիւնը, անձնակազմն ու Ծառուկեան ընտանիքը, բարի եւ օրհնեալ տարեշրջան մը մաղթեց բոլորին:

Ճորճ Արապաթլեան

WWW.ARMENIANPRELACYKW.ORG

Պատասխան Նամակ

Աստիայի տօնին առիթով, Քուէյթի եւ Շրջակայից Հայոց թեմի առաջնորդ՝ գերապատիւ Տ. Մասիս Ծ. Վրդ. Զօպույեան շնորհաւորական ուղերձ մը դրկեց Քուէյթի գահաժառանգին եւ այլ բարձրաստիճան պատասխանատուներուն:

Թեմիս առաջնորդը գահաժառանգին յղած նամակին մէջ մաղթեց յարատեւ վերելք, առողջութիւն եւ արեւշատութիւն՝ շարունակելու իրեն վստահուած առաքելութիւնը: Այս առթիւ երկրի գահաժառանգը պատասխան շնորհակալական նամակ մը յղած է թեմիս բարեջան առաջնորդին, մաղթելով առողջութիւն եւ յարատեւ յաջողութիւն համայնքիս հոգեւոր ղեկավարին եւ անոր զաւակներուն: Ստորեւ կը ներկայացնենք նամակի բովանդակութիւնը. -



ՀԱՅԿԱԿԱՆ

**Քանատայի Հայ Դատի Յանձնախումբը Արտաքին Գործոց
Նախարար Նիքոլյարնին Կոչ Ուղղած Է Արձագանգելու
Ազրայէճանական Յարձակումներուն**

Քանատայի կառավարութիւնը չի կրնար լռութեամբ հետեւիլ Լեռնային Ղարաբաղի տագնապի լարուածութեան սրումին: Քանատայի արտաքին գործոց նախարար Ռոպ Նիքոլյարնին ուղղուած նամակին մէջ այս մասին նշած է այդ երկրին մէջ Հայ դատի յանձնախումբի նախագահ Ժիրայր Պաամաճեան՝ յորդորելով երկրին կառավարութիւնը դատապարտելու ազրայէճանական կողմի յարձակումները հայկական զօրքերուն եւ խաղաղ բնակիչներուն վրայ:

Յայտնենք, որ Քանատայի վարչապետ Սթիվըն Հարփըր յայտարարած է, որ Քանատան չի կրնար ինքնիրեն թոյլ տալ անտարբեր մնալ, երբ խաղաղ քաղաքացիներ կը գոհուին դաժան բռնապետութեան յարձակումներուն պատճառով: Ան ընդգծած է, որ երկրին իշխանութիւնները տակաւին չեն արձագանգած վերջերս հայ-ազրայէճանական սահմանին եւ դարաբաղեան-ազրայէճանական շփման գիծին վրայ Ազրայէճանի սադրիչ յարձակումներուն, որոնց հետեւանքով գոհուած են Տաւուշի սահմանամերձ գիւղերու խաղաղ բնակիչներ:

«Քանատայի Հայ դատի յանձնախումբը կոչ կ'ուղղէ Քանատային վերահաստատելու իր աջակցութիւնը ԵԱՀԿ-ի Մինսքի խմբակի՝ խաղաղութեան պահպանման ուղղուած գործունէութեան եւ դատապարտելու Ազրայէճանի յարձակումները», նշուած է նամակին մէջ:

**Լեռնային Ղարաբաղի Պաշտպանութեան
Նախարարութիւն. Հակառակորդը Զինադադարը
Խախտած Է Յատկապէս Հրաձգային Զէնքերով**



6-էն 7 Հոկտեմբերի լուսնոյ գիշերուան ընթացքին Լեռնային Ղարաբաղի եւ Ազրայէճանի զօրքերու շփման գիծին վրայ, ի տարբերութիւն նախորդ օրերուն, հակառակորդը զինադադարի պահպանման դրութիւնը խախտած է յատկապէս հրաձգային զինատեսակներով: Այդ մասին կը տեղեկացնէ Լեռնային Ղարաբաղի Հանրապետութեան պաշտպանութեան նախարարութեան մամլոյ ծառայութիւնը:

Հաղորդագրութեան համաձայն, ազրայէճանական զինուորական ուժերը ինքնաձիգներէ, արձակազէններէ, գնդացիքներէ եւ «Իսթիզլալ» տիպի հրաձգային զինատեսակներէ հայկական դիրքերուն ուղղութեամբ արձակած են շուրջ 1900, իսկ 60 միլլիմէթրնոց ականանետէ՝ 3 կրակոց:

Բացի զինադադարի դրութեան խախտման դէպքերէն, առաջնային գիծէն մօտ 50 քիլոմէթր խորութեան վրայ արձանագրուած են նաեւ հակառակորդի օդուծի ուսումնական թռիչքներ:

«Պաշտպանութեան բանակի յառաջապահ ստորաբաժանումները վստահօրէն հետեւած են ազրայէճանական զինուորական ուժերուն կողմէ ձեռնարկուող բոլոր գործողութիւններուն եւ անհրաժեշտութեան պարագային դիմած են համապատասխան քայլերու», փոխանցած է Լեռնային Ղարաբաղի Հանրապետութեան պաշտպանութեան նախարարութիւնը:

Նախագահ Սարգսեանին Իր Հաւատարմագիրները Յանձնած Է Հայաստանի Մէջ Բրիտանիոյ Նոր Նշանակուած Ղեկավարը

Հայաստանի Հանրապետութեան նախագահ Սերժ Սարգսեանին Չորեքշաբթի օր իր հաւատարմագիրները յանձնած է Հայաստանի Հանրապետութեան մէջ Բրիտանիոյ արտակարգ եւ լիազօր դեսպան Ճուտիթ Ֆառնուորթը:

Հանրապետութեան նախագահը շնորհաւորած է ղեկավարը՝ պաշտօնը ստանձնելուն առիթով եւ մաղթած յաջողութիւն, ընդգծելով, որ Բրիտանիոյ հետ միջպետական կապերու ամրապնդման, փոխադարձ գործակցութեան ընդլայնման եւ երկկողմանի յարաբերութիւնները որակական նոր մակարդակի բարձրացնելու համար բոլոր նախադրեալները գոյութիւն ունին:

Նախագահ Սերժ Սարգսեան յոյս յայտնած է, որ նոր նշանակուած ղեկավարը բոլոր ջանքերը ի գործ կը դնէ հայ-բրիտանական միջպետական օրակարգը նոր նախաձեռնութիւններով աւելի հարստացնելու եւ յառաջ մղելու ուղղութեամբ:

Հանդիպումին երկուստեք կարեւոր նկատուած է միջխորհրդարանական համագործակցութիւնը, որուն ծիրին մէջ, զրուցակիցներուն համոզումով, մեծ է երկու երկիրներու խորհրդարաններուն մէջ գործող բարեկամութեան խումբերուն աւանդը: Նախագահ Սերժ Սարգսեան յոյս յայտնած է, որ խորհրդարանականներուն միջեւ աշխուժ կապերը եւ երկուստեք հետաքրքրութիւն ներկայացնող հարցերու շուրջ պարբերական խորհրդակցութիւններ կազմակերպելու աշխուժութիւնը շարունակուին նաեւ Բրիտանիոյ խորհրդարանին մէջ ձեւաւորուելիք նոր բարեկամութեան խումբին հետ:

Հայաստանի Հանրապետութեան նախագահը եւ Բրիտանիոյ ղեկավարը բարձր գնահատած են նաեւ պաշտպանութեան մարզին մէջ ձեւաւորուած հայ-բրիտանական համագործակցութիւնը՝ այդ առումով կարեւոր ձեռքբերում նկատելով սեպտեմբեր 2014-ին Երեւանի մէջ տեղի ունեցած քննարկումներն ու զինուորական համագործակցութեան ծրագրի ստորագրումը:

Նախագահ Սերժ Սարգսեան եւ ղեկավար Ֆառնուորթ կարեւոր նկատած են առեւտրական-տնտեսական մարզին մէջ եւ միջազգային կառոյցներու՝ ՄԱԿ-ի, ԵԱՀԿ-ի եւ այլ կազմակերպութիւններու մէջ համագործակցութիւնը:

Ճուտիթ Ֆառնուորթ ընդգծած է, որ Բրիտանիան ուշադրութեամբ կը հետեւի ԵԱՀԿ-ի Մինսքի խմբակի գործունէութեան եւ կը ցանկայ բոլոր միջոցներով աջակցիլ այդ ձեւաչափով տեղի ունեցող խաղաղ բանակցային հոլովոյթին:

Հանրապետութեան նախագահը շնորհակալութիւն յայտնած է Լեռնային Ղարաբաղի տագնապի խաղաղ լուծման, ինչպէս նաեւ Հայաստանի համար կենսական նշանակութիւն ունեցող այլ հարցերու մէջ Բրիտանիոյ անկողմնակալ դիրքորոշումներուն համար:

Բրիտանիոյ ղեկավարը նշած է, որ իր երկիրը պատրաստակամ է յառաջատար դեր ստանձնելու Հայաստանի եւ Եւրոպական Միութեան միջեւ համագործակցութիւնը կարգաւորող նոր իրաւական շրջանակի ձեւաւորման հարցին մէջ, որ, անոր համոզումով, կրնայ շարժիչ ուժ հանդիսանալ հայ-բրիտանական երկկողմանի եւ բազմակողմանի համագործակցութիւնը յառաջ մղելու ու զարգացնելու գործին մէջ:

Քոչարեան Ղեմ Կ' արտայայտուի Սահմանադրական Բարեփոխումներուն

Հայաստանի երկրորդ նախագահ Ռոպերթ Քոչարեան մեծ սխալ որակեց գործող նախագահ Մերժ Սարգսեանի նախաձեռնած սահմանադրական փոփոխութիւնները՝ պնդելով, որ անոնց հետեւանքները ծայրայեղ վտանգաւոր են Հայաստանի ապագային համար:

Չորեքշաբթի օր իր ոչ պաշտօնական կայքին՝ 2rd.am-ին հրապարակած հարցազրոյցին մէջ Քոչարեան վերստին ընդգծած է, որ ինք միանշանակ ղեմ է փոփոխութիւններուն, աւելցնելով՝ «առաջարկուող նախագիծը քաղաքական մենաշնորհը կը դարձնէ սահմանադրական կանոն»:



«Նախագիծի 89-րդ յօդուածը կոչուած է ապահովել մէկ կուսակցութեան գերակայութիւնը խորհրդարանին մէջ, այն է՝ իշխանութեան մէջ», կը մանրամասնէ նախկին նախագահը: «Մեր իրողութիւններուն մէջ, անկախ իր վայելած ժողովրդականութենէն, այդ կ'ըլլայ այն կուսակցութիւնը, որ կը տիրապետէ վարչական եւ նիւթական միջոցներուն: Իսկ հաշուի առնելով Հայաստանի մէջ ներկուսակցական ժողովրդավարութեան անգամ փոքր նշոյլի բացակայութիւնը, հովանաւորչական կառավարումը կը դառնայ անխուսափելի եւ յարատեւ չարիք, լճացման աղբիւր եւ արատաւոր համակարգի վերարտադրման գործիք», ընդգծած է ան:

«Հրապարակուած նախագիծը գերազանցեց իմ վատագոյն սպասումներս», յայտարարած է Քոչարեան՝ զուգահեռներ գտնելով նախագիծին եւ Խորհրդային Միութեան սահմանադրութեան միջեւ, «Խորհրդային սահմանադրութիւնը լեցուն էր գեղեցիկ բառերով, սակայն Խորհրդային Միութեան Համայնավար կուսակցութեան ղեկավարող եւ ուղղորդող ղերին մասին 6-րդ յօդուածը կ'օրինականացնէր համայնավարներուն քաղաքական մենաշնորհը»:

«Սահմանադրութեան նախագիծը իր մէջ էական վտանգներ կը պարունակէ, որ երկիրը գլորէ դէպի տէ ֆաքթօ միակուսակցական համակարգ, այսինքն եւ դէպի քաղաքական մենաշնորհ ու լճացում»:

«Ես այդպիսի ապագայ իմ երկրիս չեմ ցանկար, այդ պատճառով ալ միանշանակ ղեմ եմ այս փոփոխութիւններուն: Մեծ սխալ կը կատարուի, որուն հետեւանքները ծայրայեղ վտանգաւոր են Հայաստանի ապագային համար», յայտարարած է Հայաստանի երկրորդ նախագահը:

Հայաստանի Հանրապետութեան Մէջ Շինարարական Ճիւղի 0,2 Առ Հարիւր ԱՃ

«Արմէնփրես» կը հաղորդէ, որ այս տարուան յունուար-օգոստոս ժամանակաշրջանին Հայաստանի Հանրապետութեան մէջ իրականացուած է 211 միլիարդ 43,2 միլիոն դրամի (աւելի քան 445 միլիոն 756 հազար տոլար) շինարարութիւն: 2014-ի նոյն ժամանակաշրջանին համեմատ շինարարութեան ծաւալը աճած է 0,2 առ հարիւրով:

ՄԻՋԱԶԳԱՅԻՆ

Կասպից Ծովուն Մէջ Գտնուող Ռուսական 4 Մարտանաւեր Կը Ռմբակոծեն Սուրիոյ Մէջ ՏԱՀԵՇ-ի Դիրքերը



Ռուսիոյ նախագահ Վլատիմիր Փութին եւ պաշտպանութեան նախարար Սերկէյ Շոյկու Չորեքշաբթի օր միացեալ պատկերասփռուած հանդիպումի մը ընթացքին յայտնեցին, որ Կասպից ծովուն մէջ գտնուող 4 մարտանաւեր 26 հրթիռներ արձակած են Սուրիոյ մէջ ՏԱՀԵՇ-ի 11 դիրքերու դէմ՝ անցնելով Իրանի եւ Իրաքի օդային տարածքէն եւ կտրելով 1500 քմ: Ռուսական ուժերը 30 սեպտեմբերէն ի վեր Սուրիոյ մէջ հարուածած են իսլամականներու 112

թիրախներ:

Փութին յայտնեց, որ տակաւին շատ կանուխ է Սուրիոյ մէջ Ռուսիոյ գործողութեան արդիւնքներուն մասին խօսիլ եւ Շոյկուի հրամայեց շարունակել Միացեալ Նահանգներու, Թուրքիոյ, Սէուտական Արաբիոյ, Իրանի եւ Իրաքի հետ Սուրիոյ հարցով գործակցութիւնը:

Շոյկու ըսաւ. «Կարելի չէ ՏԱՀԵՇ-ը պարտութեան մատնել՝ առանց ռուս-ամերիկեան համակարգումի»:

«Փարիզ վերջին այցելութեանս ընթացքին Ֆրանսայի նախագահ Հոլլանտ ներկայացուց հետաքրքրական գաղափար մը, ըստ որուն իր կարծիքով կարելի է փորձել միացնել նախագահ Ասատի կառավարական ուժերուն եւ այսպէս կոչուած Սուրիական ազատ բանակի (ՏԱՀԵՇ-ի դէմ) ջանքերը», ըսաւ Փութին:

Թուրքիոյ բանակը իր կարգին յայտարարեց, որ ռուսական հրթիռային համակարգեր Երեքշաբթի օր Սուրիոյ հետ սահմանին վրայ դէմ դրած են թրքական օդուծին պատկանող 8 «Էֆ-16»-երու: Մինչ այդ, Թուրքիոյ արտաքին գործոց նախարարութիւնը Չորեքշաբթի օր յայտարարեց, որ պատրաստ է ռուսական բանակին հետ Անգարայի մէջ կատարելու բանակցութիւններ՝ թրքական օդային տարածքի խախտումի կրկնութենէն խուսափելու համար: Քրեմլինի բանբեր Տմիթրի Փեսքով իր կարգին նշեց, որ ռուսական կործանիչի մը կողմէ թրքական օդային տարածքին խզումը նեղութիւն պատճառող սխալ հասկացողութիւն մըն էր՝ յայտարարելով, որ «մենք պատրաստ ենք Թուրքիոյ հետ զինուորական համակարգումի՝ օդին մէջ պատահական արկածներէ խուսափելու համար»:

Թուրքիոյ վարչապետ Ահմեթ Տաւրթօղլու շեշտեց, որ «Ռուսիոյ հետ շահերու հակադրութիւն չկայ, սակայն նաեւ սահմաններու եւ օդային տարածքներու անվտանգութենէն զիջում չկայ»՝ աւելցնելով. «Մենք չենք ուզեր, որ սուրիական տագնապը ՕԹԱՆ-ի եւ Ռուսիոյ միջեւ ճգնաժամի վերածուի»:

Ըստ Տաւրթօղլուի, «Սուրիոյ մէջ ռուսական 57 յարձակումներէն միայն երկուքը թիրախ դարձուցին ՏԱՀԵՇ-ը: Սուրիոյ մէջ ռուսական յարձակումներուն մեծամասնութիւնը թիրախ կը դարձնէ ընդդիմութիւնը»:

«Ռուսերը պետք է յարգեն թրքական օդային տարածքը, մեզի ներկայացնեն այդ խախտումին առիթ տուած պատճառները եւ երաշխաւորեն, որ անիկա պիտի չկրկնուի», ըսաւ Տաւութօղլու:

Միացեալ Նահանգներու պաշտպանութեան նախարար Էշթըն Քարթըր յայտնեց, որ Ռուսիան Սուրիոյ մէջ կը գործէ սխալ ռազմավարութեան մը հիմամբ՝ նշելով, որ իրենք համաձայն չեն Ռուսիոյ հետ զինուորական գործակցութեան, այնքան ատեն որ ան այս սխալ ընթացքին վրայ կը գտնուի, սակայն աւելցուց. «Պիտի շարունակենք Ռուսիոյ հետ կապի մէջ մնալ՝ Սուրիոյ մէջ մեր օդաչուներուն անվտանգութեան սիրոյն»:

Միւս կողմէ, «Քանձասար»ի խմբագրութենէն «Արմէնփրես»-ին յայտնած են, որ ռուսական օդուժը հարուածած է Հալէպի հիւսիսը գտնուող ՏԱՇԵՇ-ի դիրքերը՝ յատկապէս Տեր Հաֆերի եւ Պապի մէջ:

Լիբանանեան «Ախպար» օրաթերթը հաղորդեց, որ քրտական բարձրաստիճան պատուիրակութիւն մը այցելած է Դամասկոս՝ քննարկելու համար ռուսական օդուժի հովանիին տակ Սուրիոյ բանակին հետ միացեալ ցամաքային գործողութեանց կարելիութիւնները: Ըստ «Ախպար»-ի, Սուրիոյ բանակին եւ քրտական Ժողովուրդի պաշտպանութեան ջոկատներուն միջեւ բանակցութիւնները մեծ ճամբայ կտրած են եւ զինուորական գործակցութեան շուրջ սկզբունքային համաձայնութիւն գոյացած է:

Եւրոպական խորհուրդը Կը Դադրեցնէ Մարդու Իրաւունքներու Հարցերով Համագործակցութիւնը Ազրպէյճանի Հետ

Եւրոպական խորհուրդի ընդհանուր քարտուղար Թորպիտոն Եակլանտ Չորեքշաբթի օր նախարարներու կոմիտէին տեղեկացուցած է Ազրպէյճանի մէջ մարդու իրաւունքներու հարցերով միացեալ աշխատանքային խումբին մէջ Եւրոպական խորհուրդի մասնակցութիւնը կասեցնելու՝ իր որոշումին մասին:



Եւրոպական խորհուրդի ընդհանուր քարտուղարի մամլոյ գրասենեակը այս մասին հաղորդագրութիւն տարածած է:

«Հոկտեմբեր 2014-էն սկսեալ, Եւրոպական խորհուրդի ներկայացուցիչները կը մասնակցէին Պաքուի մէջ տեղի ունեցող հանդիպումներուն, որոնց նպատակը Ազրպէյճանի իշխանութիւններուն եւ հասարակութեան միջեւ երկխօսութեան վերականգնումն էր:

«Անկախ այդ նախաձեռնութենէն, մարդու իրաւունքներու վիճակը, ընդհանուր առմամբ, այդ երկրին մէջ էապէս վատթարացած է: Աճած է բանտարկուած իրաւապաշտպաններու թիւը: Եւրոպական խորհուրդը տագնապեցնող տեղեկութիւններ ստացած է ազատագրկման վայրերու մէջ զանոնք պահելու պայմաններուն վերաբերեալ:

«Եւրոպական խորհուրդի ընդհանուր քարտուղարը իր այդ որոշումին մասին տեղեկացուցած է Ազրպէյճանի նախագահ Իլհամ Ալիեւը», նշուած է Եւրոպական խորհուրդի ընդհանուր քարտուղարի մամլոյ գրասենեակի հաղորդագրութեան մէջ:

ԱՆՂՆԱՂՆՈՐ

Պատժել Եւ Զինադադար Պարտադրել Ագրպէյճանին

Արցախեան պատերազմի աւարտից եւ 1994-ի մայիսեան անժամկէտ զինադադարից ի վեր Հայաստան-Ագրպէյճան սահմանում եւ Արցախ-Ագրպէյճան շփման գծի երկայնքով իրավիճակը երբեք այնքան լարուած չէր եղել, ինչպէս՝ նախորդ երկու շաբաթների ընթացքում: Ըստ էութեան, «մինի պատերազմ» էր ընթանում:

Ի՞նչ պէտք է անի հայկական կողմը այս պայմաններում, երբ Ագրպէյճանը չի յարգում այլեւս հրադադարի պայմանաւորութիւնը, մեծ տրամաչափի զէնքերով ումբակոծում եւ գնդակոծում է հայկական դիրքերն ու քաղաքացիական թիրախները՝ սպաննելով խաղաղ բնակիչներին:

Առաջին. հայկական բանակը պէտք է իւրաքանչիւր հարուածի համարժէք պատասխան տայ, որպէսզի Ագրպէյճանում ջարդուի այն ընկալումը, թէ ռազմական հաւասարակշռութիւնը խախտուել է յօգուտ իրեն: Քանի որ վերջին տարիներին Ագրպէյճանը զինուում է ժամանակակից սպառազինութեամբ, ագրպէյճանական ընկալման մէջ առաջացել է այն վստահութիւնը, որ ռազմական հաւասարակշռութիւնը խախտուել է յօգուտ իրեն: Լարուածութիւն ստեղծելով հակամարտ զօրքերի շփման գօտում՝ Ագրպէյճանը հաւանաբար փորձում է համոզուել, որ այդ ընկալումը հիմնագուրկ չէ: Արդարացուած է նաեւ Հայաստանի պաշտպանութեան նախարարութեան այն յայտարարութիւնը, որ ժամանակն է Ագրպէյճանին նոր պայմաններով զինադադար պարտադրել: Դա կ'ամրացնի հայկական դիւանագիտութեան բանակցային դիրքը:

Երկրորդ, հայկական դիւանագիտութիւնը պէտք է սեղանին վերադարձնի բանակցային փաստաթուղթը, որտեղ յստակ խօսուում է Լեռնային Ղարաբաղի ինքնորոշման եւ հանրաքուէի մասին: Երբ չկայ փաստաթուղթ, մոռացուում է նաեւ Ղարաբաղի ինքնորոշման իրաւունքը: Այսօր բանակցութիւնների սեղանին չկայ մի փաստաթուղթ, որի շուրջ կը բանակցէին կողմերը: Հայաստանի եւ Ագրպէյճանի ղեկավարութեան, այդ թւում՝ նախագահներ Սերժ Մարգսեանի եւ Իլիամ Ալիեւի, արտաքին գործերի նախարարներ Էդուարդ Նալբանդեանի եւ Էլմար Մամետեարովի միջեւ պակասում է փոխադարձ նուազագոյն յարգանքն ու վստահութիւնը: Սահմաններում լարուածութեան պատճառներից կարող է լինել նաեւ այն, որ Պաքուն այլեւս չի հաւատում բանակցային ճանապարհով հարցի հանգուցալուծման հնարաւորութեանը: Որքան քիչ է դիւանագիտութիւնը, այնքան մեծ է լայնածաւալ պատերազմի հաւանականութիւնը:

Երրորդ. Երեսնը պէտք է առաւելագոյնս արդիւնաւէտ օգտագործել ՄԱԿ-ի եւ հեղինակաւոր միւս կազմակերպութիւնների ամպլոնները եւ հնչեցնել միջազգային հանրութեան համար ընկալելի, հայկական շահերից բխող առաջարկներ, որոնց հիմքում առաջին հերթին կը լինի հայ զինուորների եւ բնակչութեան անվտանգութիւնը: Աւելի՛ն. հայկական դիւանագիտութիւնը պէտք է օգտագործի քուլիսները: Պէտք է օգտագործել բոլոր հնարաւորութիւնները, որպէսզի դարաբաղեան բանակցութիւնները վերադառնան բնականոն հուն: Դա կարելոք է ոչ միայն եւ ոչ այնքան նրա համար, որ կարգաւորման յոյսեր կը բերի, այլեւ որովհետեւ յոյս ներշնչող բանակցութիւններն են, որոնք լռեցնում են դիպուկահարներին, խափանարարներին ու ականանետը գործի դնող զինուորականներին, հետեւաբար՝ կանխում նորանոր մարդկային կեանքեր Հայաստան-Ագրպէյճան սահմանի Տաւուշի հատուածում եւ դարաբաղա-ագրպէյճանական զօրքերի շփման գօտում:

Քանի դեռ հակամարտության մեջ ներգրավուած կողմերը չեն ստորագրել մի փաստաթուղթ, որը վերջ կը դնէր «ոչ պատերազմ, ոչ խաղաղութիւն» իրավիճակին եւ կը բաւարարէր կողմերի նուազագոյն ակնկալիքներն ու պահանջները, նոր պատերազմը միշտ էլ հաւանական է:

Հայկական կողմը նոր պատերազմ չի հրահրի, քանի որ նախորդ պատերազմում ստացել է հնարաւոր առաւելագոյնը: Հայկական կողմը, եւ դա եղել է Երեւանի դիրքորոշումը զինադադարից ի վեր, փորձելու է դիւանագիտական սեղանի շուրջ ամրագրել, գոնե՝ մասամբ, այն, ինչ ունի ռազմի դաշտում:

Ազրպէյճանն է շահագրգռուած նոր պատերազմով, քանի որ նա է պարտուած եւ՝ վրէժի ձգտող կողմը: Նախորդ երկու տասնամեակներում Ազրպէյճանը նոր պատերազմ չի սկսել բազմաթիւ պատճառներով, որոնց շարքում կարելոր է եղել բանակցութիւնների առկայութեան իրողութիւնը: Որքան Ազրպէյճանը համոզուի, որ բանակցութիւնների ճանապարհով հնարաւոր չէ հասնել կարգաւորման, այնքան մեծանալու է նոր պատերազմի վտանգն ու հաւանականութիւնը:

Զինադադարը խախտելում առաջին հերթին եւ մեծապէս շահագրգռուած է Ազրպէյճանը, քանի որ ներկայ սթաթիս-քուոն տանելի եւ առաւել ընդունելի է հայկական կողմի համար: Քանի որ բանակցութիւններում խոր փակուղի է, Պաքուն փորձում է զենքի կիրառումով միջազգային ուշադրութիւնը հրաւիրել դարաբաղեան հակամարտութեան վրայ: Սա պատճառներից մէկն է, որ ստիպում է Ազրպէյճանին անդադար խախտել զինադադարը, իրականացնել խափանարարական գործողութիւններ եւ սպաննել քաղաքացիական բնակչութեանը: Զինադադարի յաճախակի խախտումներով Պաքուն փորձում է հայկական կողմին ստիպել գնալու զիջումների բանակցութիւնների սեղանի շուրջ: Ահա սա կարելի է համարել այսօրուայ թէժացման պատճառներից: Սակայն որքան Ազրպէյճանը յարձակողապաշտ պահուածք է դրսեւորում սահմաններում, որքան աւելացնում է հակահայկական քարոզչութիւնը, այնքան հայկական կողմը աւելի անզիջում է դառնում:

Անշուշտ, սահմանային ներկայ լարուածութիւնը կարող է ունենալ նաեւ ներքին եւ տնտեսական պատճառներ: Նաւթի գների շեշտակի անկումը եւ որպէս հետեւանք՝ Ազրպէյճանի նաւթային պետական հիմնադրամի միջոցների վաղաժամկէտ մաշեցումը, ընկերային բազմաթիւ ծրագրերի ձախողումը եւ բողոքի հնարաւոր ալիքը կարելի է կանխել «թշնամի Հայաստանի դէմ պատերազմի մեջ ենք» «արդարացումով»:

Հայաստան-Ազրպէյճան սահմանի Տաւուշի հատուածում եւ դարաբաղա-ազրպէյճանական զօրքերի շփման գօտում նախորդ երկու շաբաթը աննախադէպ էր նոր՝ աւելի ծանր զինատեսակների կիրառման եւ զինադադարի խախտումների արդիւնքում մարդկային զոհերի առումով, այդ թւում՝ քաղաքացիական բնակչութեան շրջանում: Ազրպէյճանական կրակահերթերի արդիւնքում Տաւուշի երկու գիւղերում սպաննուեց երեք քաղաքացիական անձ, բոլորն էլ կին, իսկ Լեռնային Ղարաբաղի հիւսիսում՝ շփման գծից շուրջ 5 քմ հեռաւորութեան վրայ, հակառակորդի ականակոծութեան պատճառով սպաննուեց չորս եւ վիրաւորուեց 16 զինծառայող՝ ճաշի ընթացքում: Հայաստանի եւ Լեռնային Ղարաբաղի հակահարուածը չուշացաւ: Սկզբնական շրջանում ազրպէյճանական կողմը չէր հաղորդում կորուստների մասին, սակայն յաջորդ օրերին յայտարարեց մի քանի սպաննուածի մասին: Հայկական կողմը պնդում է, որ պատժիչ գործողութեան պատճառով սպաննուել են երկու տասնեակ ազրպէյճանցիներ:

ԹԱԹՈՒԼ ՅԱԿՈՒԲԵԱՆ

ԼՈՒՐԵՐ ԳԱՂՈՒԹՆԵՐԷՆ

Հայոց Ցեղասպանության Նուիրում Ցուցահանդես



Իտալիոյ Սարտինիա տարածքի Մանտաս քաղաքին մէջ Ճանապարհորդական գրականութեան միջազգային 9-րդ փառատօնի ծիրին մէջ երկու տարբեր ձեռնարկներով նշուեցաւ Հայոց ցեղասպանութեան 100-ամեակը:

Փառատօնի բացման արարողութիւնը տեղի ունեցաւ 25 սեպտեմբերին՝ իտալական-արաբական «Մատաքա» կեդրոնին կողմէ

կազմակերպուած լուսանկարներու ցուցահանդեսով, որ կը կրէ «Լուսութեան 100 տարին. Հայոց ցեղասպանութեան վերջին վերապրածները» խորագիրը: Լուսանկարներու հեղինակն է Ռոմոլօ Եուքալիթօ, որ Հայոց ցեղասպանութեան վերջին վերապրածները լուսանկարած է լրագրող Ալեսանտրօ Արամուի հետ Հայաստան կատարած այցելութեան ընթացքին:

Փառատօնի փակման արարողութեան ընթացքին՝ 27 սեպտեմբերին, ներկայացուեցաւ իտալացի լրագրողներ Ալեսանտրօ Արամուի, Ճիան Միքալեսի եւ Աննա Մացոնէի Հայաստան կատարած այցելութեան հիման վրայ պատրաստուած գիրքը, որ կը կրէ «Հայոց ցեղասպանութիւն. լուսութեան 100 տարի. Վերջին վերապրածներու իրայատուկ պատմութիւնները» խորագիրը:

Գիրքը իտալախօս ընթերցողներուն կը պատմէ հայ ժողովուրդի մէկդարեայ ցաւին ու Թուրքիոյ մէկդարեայ ժխտման մասին: Գիրքը Հայոց ցեղասպանութեան ականատես-վերապրողներու պատմութիւններու կողքին, կը ներկայացնէ պատմական իրողութիւնը իր փաստացի կողմերով:

Համբարձում Աղպաշեանի «Թրքիշ Ինթելեքչուրլը Հու Հեւ Ռեքոկնայգտ Տը Ռիելիթի Աֆ Արմինիըն Ճենոսայտ» Գիրքին Շնորհահանդեսը



Վերջերս Փասատինայի Ս. Գրիգոր Լուսաւորիչ եկեղեցւոյ «Կիրակոս» սրահին մէջ տեղի ունեցաւ Համբարձում Աղպաշեանի «Թրքիշ Ինթելեքչուրլը հու հեւ ռեքոկնայգտ տը ռիելիթի աֆ արմինիըն Ճենոսայտ» գիրքին շնորհահանդեսը: Սոյն հատորը պիտի նպաստէ հայ ժողովուրդի անկապտելի իրաւունքներու վերատիրացման նպատակով տարուած աշխատանքներուն:

Ձեռնարկին յաջորդաբար խօսք առին բժիշկ Բաֆֆի Պալեան, Վահէ սրկ. Չարխութեան, Յակոբ Մարտիրոսեան, փրոֆ. Լեւոն Մարաշլեան եւ Վալերի Մկրտումեան, որոնք իրենց ուրախութիւնը յայտնեցին Համբարձում Աղպաշեանի գիրքի

շնորհահանդէսին կազմակերպման առիթով՝ մաղթելով հեղինակին նորանոր հրատարակութիւններ:

Օշին Քէշիշեան իր կարգին ելոյթ ունենալով՝ ներկայացուց գիրքի ծննդեան պատմականը եւ անոր խիստ շահեկան բովանդակութիւնը:

Աւարտին խօսք առաւ գիրքի հեղինակը՝ Համբարձում Աղպաշեան, որ իր շնորհակալութիւնը յայտնեց բոլոր անոնց, որոնք ճամբայ հարթեցին եւ օժանդակեցին այս գիրքի լոյս ընծայման գործին:

Գործադրուեցաւ նաեւ գեղարուեստական յայտագիր:

Մթոքիովի Մէջ Տեղի Ունեցաւ Հայոց Ցեղասպանութեան 100-Ամեակին Նուիրուած Ձեռնարկ

Կազմակերպութեամբ Մթոքիովի միջազգային եւ հանրային գրադարաններուն, Շուէտի մէջ Հայաստանի դեսպանութեան, գործակցութեամբ Եւրոպայի հայերու համագումարին, 17 սեպտեմբերին Մթոքիովի հանրային գրադարանին մէջ տեղի ունեցաւ հայկական գրական-երաժշտական երեկոյ մը:

Բացման խօսքով հանդէս եկաւ Հայաստանի դեսպան Արտակ Ապիտոնեան: Երեկոյի ընթացքին շուէտահայ տուտուկահար Հայկ Յակոբեան մեկնաբանեց կոմիտասեան մեղեդիներ: Շուէտացի դերասանուհի Իտա շուէտերէնով կարդաց Գրիգոր Զոհրապի ստեղծագործութիւնները, իսկ շուէտացի գրող եւ թարգմանիչ Մաքս Էտենպորկ ներկայացուց Դանիէլ Վարուժանի եւ Սիամանթոյի քնարերգութիւնը:

Հեղինակներու կենսագրութիւնները ներկայացուց օրուան հանդիսավար Եւրոպայի հայերու համագումարի նախագահ Կարօ Յակոբեան, իսկ բանաստեղծութիւնները հայերէնով կարդաց Նենսի Խաչատուրեան:

Սուրիահայութեան Ի Նպաստ Մոնրէալի Նուիրահաւաքին Գոյացաւ Աւելի Քան 27 Հազար Տոլար

Սուրիոյ մէջ ապրող հայութեան զօրակցութեան քայլերը ամրագրելու նպատակով, Քեպէքի սուրիահայութեան օժանդակութեան միացեալ մարմինին կազմակերպութեամբ, 12 սեպտեմբերին Մոնրէալի Հայ կեդրոնին մէջ տեղի ունեցաւ ճաշկերոյթ-նուիրահաւաք մը, որուն ընթացքին գոյացաւ աւելի քան 27 հազար տոլար:

Օրուան խօսքը փոխանցեց Միեր Գարագաշեան: Ան կոչ ուղղեց քանատահայութեան՝ միասնական շարքերով շարունակելու սուրիահայութեան օժանդակութեան աշխատանքները: Խօսք առաւ նաեւ Քանատայի թեմի առաջնորդ Մեղրիկ եպս. Բարիքեան: Նշենք, որ Սուրիոյ հայութեան օժանդակութեան Քանատայի համադրող մարմինի աշխատանքները կը շարունակուին Քանատայի տարածքին: Յիշեալ մարմինը կազմուեցաւ Քանատայի մէջ գործող հայկական եկեղեցիներու, կազմակերպութիւններու եւ կուսակցութիւններու համախմբումով, որուն հիմնական նպատակն է Սուրիոյ տարածքին պատերազմական իրավիճակէն ազդուած ու տուժած հայութեան շուտափոյթ ձեւով մարդասիրական եւ նիւթական նպաստներ առաքել:

ԱՅԼԱԶԱՆ

Ի՞նչ Կարելի Է Ընել Մեխակի Գամերով

- 1 -

Եթե ակոռայի ցաւ ունիք, անմիջապէս մեխակի գամ մը տեղաւորեցէք վրան, ի հարկին ճգմեցէք զայն եւ շատ չանցած ցաւը պիտի մեղմանայ: Անշուշտ ասիկա արմատական լուծում չէ եւ ատամնաբուժը չի փոխարիներ...

- 2 -

Մեխակի գամերը կը հեռացնեն ցեցերը: Թիւլէ ծրարիկներու մէջ մեխակի գամ լեցուցէք, ապա զանոնք զետեղեցէք հագուստի պահարանին դարաններուն վրայ կամ գզոցներուն մէջ:

- 3 -

Եթե կոկորդի ցաւ ունիք գաւաթի մը մէջ եռացած ջուր լեցուցէք, դգալ մը մեղր, դգալ մը կիտրոնի հիւթ եւ քանի մը մեխակի գամ աւելցուցէք. բոլորը միատեղ խառնեցէք եւ խմեցէք:



- 4 -

Խոհանոցին անախորժ հոտերը չէզոքացնելու համար կաթասայի մը մէջ ջուր եռացուցէք՝ մէջը 5 – 10 մեխակի գամ աւելցնելով:

- 5 -

Ճանճի բոլոր տեսակները հեռու պահելու համար կիտրոնը երկուքի կիսեցէք, կիսուած բաժինը մեխակի գամերով ծածկեցէք եւ ապա զանոնք զետեղեցէք պատուհանի եզրին, պատշգամը կամ պարտէզը:

- 6 -

Մառնարանին մէջի անախորժ հոտերը չէզոքացնելու համար սուրճի գաւաթի մը մէջ քանի մը հատիկ մեխակի գամ դրէք, վրան քիչ մը կիտրոնի հիւթ աւելցուցէք եւ գաւաթը տեղաւորեցէք դարանին վրայ:



- 7 -

Կարգ մը մսեղէններու եւ յատկապէս ռոսթոնի պատրաստութեան ընթացքին մեխակի գամերը հաճելի բոյր եւ համ կու տան կերակուրին:

- 8 -

Եթե ձեր շունչը գէշ կը հոտի, մէկ-երկու մեխակի գամ ծամեցէք:

- 9 -

Մկանային կամ յօդային ցաւերու պարագային մեխակի գամով ջուր եռացուցէք եւ խմեցէք:

Ուշադրութի՛ն, մեխակի գամի գործածութիւնը յանձնարարելի չէ 12-էն վար երեխաներուն, յի կիներուն եւ կաթ տուող մայրերուն:

Մեխակի գամի չափազանցութիւնը կրնայ ստամոքսի եւ աղիքներու թեթեւ խանգարումներ, սրտխառնուք եւ փորհարութիւն պատճառել:



Զարդերու Բուժիչ Յատկութիւնները

Երբեմն կը կրենք մեզի շատ սիրելի զարդեր՝ առանց գիտակցելու, որ անոնք կրնան դրական կամ բացասական ազդեցութիւն, նոյնիսկ բուժիչ յատկութիւն ունենալ:

Պղինձէ ապարանջաններու բուժիչ յատկութիւնը

Ռեֆլեքսօթերապիի կեդրոնական գիտահետազօտական հիմնարկը պարզած է, թէ պղինձէ ապարանջանները կ'ամրապնդեն մարմնին դիմադրողականութիւնը: Անոնք կ'օգտագործուին սիրտ-անօթային անհանգստութիւնները, ինչպէս նաեւ ջղային համակարգի խանգարումները դարմանելու: Նոյն հիմնարկին համաձայն, մարմնին մէջ պղինձի պակասը բացասական ազդեցութիւն կը գործէ մարդու ինքնազգացողութեան վրայ:



Այս նպատակով տարբեր երկիրներու մէջ ընդհանրացած է պղինձէ ապարանջան կրելու սովորութիւնը: Աշխարհի վրայ ամէնէն հանրայայտը փերուական «Ռեմուս» վաճառանիշով ապարանջաններն են, որոնց մէջ պղինձը կը կազմէ 99.9 տոկոս: Այս ապարանջանները 2 տարի օգտագործելէ ետք պէտք է փոխարինել նորով, քանի որ անոնք կը կորսնցնեն իրենց բուժիչ յատկութիւնները:

ՇԱԲԹՈՒԱՆ ԲԱՆԱՍՏԵՂԾՈՒԹԻՒՆԸ

**Քուն թե արթուն՝ օրիս շատը երազ եղաւ, անցկացաւ,
Երազն էլ, նուրբ ու խուսափուկ, վռագ եղաւ, անցկացաւ.
Վռագ անցան երազ, մուրագ, ու չհասայ ոչ մէկին,
Կեանքս թեթեւ տանուլ տուած գրագ եղաւ, անցկացաւ:**

Յովհաննէս Թումանեան